



UNIVERSITÄTS-
BIBLIOTHEK
PADERBORN

Regvlæ Societatis Iesv

Angeli, Bernardo d'

Romæ, 1616

Regulæ Coadiutorum Temporalium.

[urn:nbn:de:hbz:466:1-68329](https://nbn-resolving.org/urn:nbn:de:hbz:466:1-68329)



REGVLAE

COADIUTORVM

Temporalium.

Ex deputat.
pro Coadiut.

In Exam.c.6. I
§. 7.



Intelligat omnes primariam
ipforum intentionem ad in-
feruendum Diuinæ Maie-
stati in Societate esse debe-
re, non solum, vt diligen-
tiam omnem in spiritualia

Qualis eo-
rum finis.

Exercitia, orationem, ac deuotionem statis
temporibus impendant; sed etiam se exer-
ceant in domesticis suæ vocationis ministe-
rijs, quantumuis humilibus, & abiectis, cu-
iuscunque generis illa sint, parati ad vitam
omnem in eis exigendam: sibi persuadendo se
in ea re obsequium, & laudem præstare suo
Creatori, ac Domino, ob cuius amorem, re-
uerentiamque in ijs elaborant.

P.1.c.2. §.2.
Quæ eorun-
dem cura.

2 Præcipua illorum cura sit, conscientie
puritas, serioque in earum virtutum studia
incumbant, quæ hunc Societatis gradum in
primis

primis ornant, atque perficiunt, ac sine quibus statui suæ vocationis pro dignitate respondere nullo modo possent: cuiusmodi sunt deuotio, animæ quies, tractabilitas, amor virtutis, desiderium perfectionis; vt domesticis, & externis ædificationi sint, vt, sorte Marthæ contenti, actiua se vita exercent; peculiari amore Institutum Societatis prosequentes, cuius vtilia membra ad Domini gloriam esse contendant.

3 In quotidiana recreatione, cum ijs Recreatio, & locus recreationis. potissimum versentur, à quibus commodè in rebus spiritualibus iuuari possint: neque coeant inter se soli, aut à communi recreationis loco seorsim secedant.

4 Postquam sui officij ministerijs satisfecerint, si quid vacui temporis superfuerit, id totum in alia exercitia spiritualia, aut corporalia impendant: eiusque rei causa Superiorem adibunt, vt quæ de ea re sit eius voluntas, ex ipso cognoscant. Orij fuga.

5 In comitandis Nostris, cum præsertim mulieres inuisunt, non solum illud diligenter seruare debent, quod Sacerdotibus eorum regulis præscribitur (vt cum ad confessiones fœminarum audiendas mittuntur, vel alia de causa eas adeunt, socius ijs à Superiore datus, quandiu Sacerdos cum fœminis loquitur, eo in loco sit, vnde eos videre possit, quantum loci natura patietur, non tamen

Reg. 18 Sacer. Quoscomitatur, solos ne deserant.

ea, quæ

ea, quæ secreta esse oportet, audire) se etiam cum viros cuiuscunque conditionis aut ordinis adibunt, dabunt operam, v. nullo tempore, eum solum relinquunt, tum ob religiosam decentiam, tum ob communem ædificationem; nisi fortè qui inuisunt tantæ auctoritatis sint, vt ob vrbanitatem aut negotiorum naturam ratio suadeat, non esse Sacerdotis, aut cuiusuis è Nostris socium ad eam tractationem admittendum.

Superiorem
moneant.

Illud præterea nouerint, debere se, cum domum redierint, vltro Superiorem ad monere, etiam si ab ipso non rogentur, si quid in eo genere contra hanc regulam commissum sit.

Reg. Sûm 29.

Obseruantia
erga Sacerdo-
tes præsertim.

6 Meminerint non solum ex Regula omnes in animo tanquam sibi Superiores ducendo existimare, & exterius honorem, ac reuerentiam, quam exigit cuiusque status, cum simplicitate, & moderatione religiosam exhibere; sed etiam peculiari studio curent erga omnes illos è nostris, qui Coadiutores non sunt, exteriori obseruantia, & modo conuersandi, eum quem debent respectum, humilitatemque præ se ferre; idque multò etiam magis erga Sacerdotalem Ordinem.

De paupertate.

7 Quod ad paupertatem attinet, etsi res est omnibus communis, tamen ob multas, quas habent, occasiones variarum administrationum,

tionum, caueant diligenter, ne quid sibi capi-
pian, alijs dent, commodent, mittant, aut
quicquam faciant in hoc genere absque ex-
pressa licentia Superioris: præsertim reli-
quiaria, cruces, Agnus Dei, lapides Bezau-
rios, & id genus alia; sibi que persuadeant,
posse in ijs rebus grauitè contra votum pec-
cari.

8 Cùm ad ipsorum spiritualem instru-
ctionem sit hebdomadis singulis Christiana
doctrina explicanda, prout Superior præscri-
pserit, omnes conuentui intererunt, & ex ea
re fructum precipere conentur.

Doctrina
Christiana.

9 Et quanquam, vt est in regulis com-
munibus, data commoda occasione, eniti
debent pijs colloquijs proximum ad meliora
promouere, & consilio atque exhortatione
ad bona opera, præsertim ad confessionem,
excitare; videbunt tamen ne limites sibi à
regula præscriptos excedant, in qua illud est,
(pro ratione sui gradus) ne quid in eo pec-
cent.

Reg. 24 com.
Ne cum pro-
ximis agendo
limites exce-
dant.

10 Librum nullum neque retinere, ne-
que legere, cuiuscunque generis, ijs licebit,
sine Superioris licentia; cuius erit iudicium
eos illis assignare, qui magis ad ipsorum
spiritualem fructum expedire videbuntur.

Quinam libri
concedendi.

11 Meminerint demùm quod B. P. N.
Ignatius scriptum reliquit, quemadmodum
proprium est Sacerdotum, & Operariorum
spiri-

Exa c. 6 §. 3.
eorum mini-
steria.

spiritualium, Societatem in confessionibus
audiendis, in exhortationibus; in Doctrina
Christiana, alijsque literis edocendis iuuare
ita proprium illorum esse, in ministerijs om-
nibus inferioribus, & humilioribus, quæ illi
iniungentur, exerceri: sibi persuadentes
quod Societatem in ijs rebus iuuando (quod
possit ipsa expeditius animarum saluti vacare
re) eidem omnino Domino seruiant, siquidem
dem propter diuinum ipsius amorem, & re-
uerentiam id faciunt. Ideo prompti esse de-
beant cum omni humilitate, & charitate,
quoad eius fieri poterit, ad ea officia, quæ
eis credita fuerint, exactè obeunda. Quo-
fiet, vt non solum mercedem integram labo-
rum, sudorumque suorum consequantur,
sed vnâ etiam participes efficiantur omnium
bonorum operum, quæ Deus per vniuersam
Societatem ad obsequium & laudem suam
operari dignabitur: quemadmodum & om-
nium Indulgentiarum, & gratiarum, quæ
Professis ad suarum animarum bonum beni-
gnè à Sede Apostolica concessæ fuerint.